



Universitätsbibliothek Paderborn

Synopsis Magnalium Divi Josephi

Ignatius < a Sancto Francisco >

Leodii, 1684

Cap. 3. An D. Josephus ante Beatam Virginem alias duxerat uxores? an
verò Virgo fuerit quando ei nupsit?

urn:nbn:de:hbz:466:1-38500

Alexii clam se surripuit, ut fidem prius
Virgini Deiparæ reposcenti datam
servaret.

XVII.

Horum exemplo vobis qui haec legi-
tis, & adhuc liberi estis, proficite:
liberi autem estis non tantum quan-
diu necdum de nuptiis cogitastis, sed
estis alteri mortali fidem forte dederi-
tis. Cogitate serio & vobiscum ipsi
perpendite antequam quidquam in re
tam gravi agatis, quid vobis magis
expedit: an non vobis melius futu-
rum sit, si spretis carnalibus illis nup-
tiis, in quibus (quod de fide est) tri-
bulationem inventuri estis, utinam non
eternam, vos vestraque omnia, cor-
pus & animam, affectus & amores
omnes in Deum transferatis: quod si
hoc attideat, vos o viri! Mariam ex-
emplo Josephi Sponsam accipite: &
vos o virgines! exemplo Mariæ Jose-
pho defponsari ne timete, utrique vir-
ginitatem vestram commendate, Viri
Mariæ Virginum Reginæ & Protectri-
ci: Virgines Josepho, cuius fidei &
candidæ Virgo Virginum commissa
est. Ultrumque annulo isto, quem nup-
tiis transfiguris forte parastis, aut parare
possetis, vobis despondete: cum eis
spirituales nuptias agite, a Deo mille
benedictionibus, utrinque intuitu &
meritis cumulandas, & demum eter-
nâ beatitate coronandas.

C A P U T III.

*An Divus Josephus ante Bea-
tam Virginem alias duxerat
uxores? an verò Virgo fue-
rit quando ei nupsit?*

I.

NTIQUA est admodum haec
quaestio, & habuit suos olim
utraque pars, affirmans & ne-
gans, fautores & assertores.
Ita porro quantum quidem reor hanc in
re primitus discrepatum est quod cum
in antiqua Lege non vellet Deus, nec
etiam oporterebat ordinari homines esse
castos, id est sine conjugio, constaret
que Abraham, Isaac, Jacob, Joseph,
Moysen, Samuelem, & ceteros istius
legis Patres & Prophetas, perfectio-

nem animi etiam in matrimonio atti-
gisse, non existimarent tantopere cu-
randum an Virgo extiterit, vel Viduus
D. Josephus, quem sub antiquâ scie-
bant fuisse lege natum, quandoquidem
omnimodam perfectionem in conju-
gio juxta illius temporis exigentiam
assequi potuerit.

Verumtamen quia omnino certum
est Divum Josephum licet natum sub
antiquâ lege, ad novam pervenisse,
imo ad Incarnationis mysterium (quod
legis gratia uterū est) contribuisse, ac
propterea ad ordinem unionis hypo-
staticæ erectum fuisse, Continentiam
quoque virginalem Conjugali semper,
etiam tempore legis antiquæ præva-
luisse; hinc est quod difficultas haec
semper majori indagine digna fuerit:
qua initio non fuit exhibita, quia tunc
omnium intentio in aliis magis neces-
sariis seu ad fidem tunc novellam plan-
tandam seu jam radices agentem, ab
haeresibus defendendam, occupata
erat: & ideo eam postmodum Patres
& Doctores diligentius examinarunt,
ex quorum sententiâ quid hanc in re
sentiendum sit determinabimus.

SECTIO PRIMA.

*Innuptum eò usque fuisse
probatur.*

BIGAMUM qui dixerunt atque ex
priore uxore plures suscepisse pro-
les recensentur à Cardinali Baronio
in Apparatu ad Annales cap. 46. Ex
Græcis, D. Hippolytus Portuensis apud
Niceph. lib. 2. cap. 3. D. Epiphanius
hæres. 28. 51. & 78. & in Ancorato
Euseb. histor. lib. 1. D. Gregorius
Nyssen. homil. de Resurrect. Christi.
D. Chrysostomus homil. de Annuntiat.
Virg. Theophylactus in Matth. cap. 27.
Euthymius in Matth. cap. 2. Et ex La-
tinis D. Hilarius in Matth. can. 1. &
D. Ambrosius in epist. ad Galat. cap.
1. in fine.

Duplex fuit hujus Sententia verius
erroris fundamentum, primùm tradi-
tio quædam Hæbreorum sumptâ oc-
casione ex Evangelio sub nomine Pe-
tri, & altero sub nomine Jacob, quæ
olim

olim circumferebantur. Ita Origenes in Matth. cap. 13. ubi sic ille: *Frates autem IESV putabant nonnulli esse (ex traditione Hebreorum sumptis occasione ex Evangelio, quod titulum habet juxta Petrum, aut ex libro Iacobi) filios Ioseph ex priore uxore, que convixerat ipsi antequam duceret Mariam.* Ex hoc fonte Hippolytus Portuensis citatus potus est, qui ait: *Ioseph ex uxore sua Salome, genuit quatuor masculos, Iacobum, Simonem, Iudam, & Ioseph: duas itidem & feminas, Ester, & Thamar.*

V. Secundum fundamentum sumitur ex verbis Evangelii Matthei & Marci, ubi fit mentio fratrum & sororum Domini: *Cum enim evidenter omnibus constaret, illos quos præmemorati Evangelistæ vocant fratres & sorores Domini, non esse tales ex Beata Virgine, interpretari sunt illi eos esse tales, per D. Josephum ex alia priori uxore.* Atque ex hoc fonte Divus Epiphanius Hæret. 78. quæ est adversus Antidicomaritas, afferuit idem, quod Hippolytus ex priore hauserat: ait enim, *Habuit hic Ioseph primam suam uxorem ex Tribu Iudea, & peperit hac ipsi liberos numero sex, quatuor masculos & duas femellas, quemadmodum Evangelium secundum Mattheum, & secundum Marcum declaraverunt: non quod Mattheu aut Marcus dicant Joseph habuisse illam priorem uxorem, & ex eâ sex illas proles; sed quia existimat Epiphanius cum aliis, eos quos fratres vel sorores Domini Evangelistæ illi nominant, esse ex Joseph & prima, quām putat habuisse uxore, progenitos.*

VI. Sed scipio cadit tam ruinosis superædificata fundamentis opinio: ut non mitum videri debeat quod notavit cito tatus Baronius; ceteros Patres Latinos Orthodoxos, qui post D. Hieronymum & Augustinum vixerunt evaledixisse, adeo ut Beatus Cardinalis Petrus Damiani suorum temporum scriptor nobilissimus epist. 11. cap. 4. ad Nicolaum Romanum Pontificem dicat magnâ fiduciâ, *Ecclesiæ fidem in eo esse, ut non modo Deipara, verum etiam putativus Pater atque nutritius Virgo habeatur.*

VII. Refellitur ergo error ille à funda-

mēcis quibus innititur: ac primū quidem, quia ut ante nos notavit D. Hieronymus illius impugnator acerrimus & primarius in Matth. cap. 12. in fine, & constat etiam ex Origene citato, ex Cœnofo fonte Pseudo-Evangeliorum Petri & Jacobi minoris haustus est; quæ Evangelia ut adulterina, Ecclesia damnavit semper: nam illa non à Petro, aut Jacobo scripta, sed à Leucio quodam, seu Seleucio Hæretico suis, conficta comprobata sunt, & testatur Innocentius Papa epist. 3. ad Exuperium cap. 7. de quibus Gelasius Pontifex in Concilio Romano tit. de Script. Apocryph. pronunciavit. *Evangelium nomine Petri apocryphum. Evangelium Iacobi minoris apocryphum:* Quin etiam ipsi Centuriatores Magdeburgenses licet Hæterodoxi Centur. 1. lib. 1. cap. 10. admonent fabulosum videri Jacobi Protevangelion, ubi Ioseph viduum fuisse, ac plures habuisse liberos, antequam Matia ei desponsaretur, expōnitur.

VIII. Secundum fundamentum penitus sufficit & subvertit observatio verissima ejusdem D. Hieronymi ibidem: sed maximè lib. adversus spurcissimum Heluid. hæreticum paulo ante finem, ubi obseruat ex Scripturâ sacrâ quatuor modis aliquem dici alterius fratrem: scilicet naturâ gente, affectu, & Cognitione. Natura dicuntur fratres, qui eisdem Patre & Matre, vel sibi in illorum alterutro geniti, ut Esau & Jacob, ut Ruben & Ioseph: gente, quomodo Iudei inter se fratres vocati sunt, ut Deuteronom. cap. 15. vers. 7. *Si unus de fratribus tuis qui moratur intra portas Civitatis tuae ad pauperatem devenerit, non obdurabis cor tuum, & vers. 12. cum tibi venditus fuerit frater tuus Hebraeus aut Hebreæ, & sex annis servierit tibi in septimo anno dimittes eum liberum, & c. 17.* ubi decernitur de Rege eligendo, constitues eum, inquit Deus, Regem, quem Dominus Deus tuus elegit de numero fratrum tuorum: & Apostolus ad Romanos cap. 9. vers. 3: *Optabam ego ipse anathema esse à Christo pro fratribus meis, cognatis secundum carnem, qui sunt Israëliæ, quorum adoptio est filiorum, & gloria, & testamentum, & legatio, &c.* Dicuntur tertio, fratres affectu, primo spiritua-

spiritualiter, quomodo Christiani in Christo fratres dicuntur, quomodo Religiosi unius Ordinis: hinc illud, *Ecce quam bonum & quam iucundum habitare fratres in unum, & istud narrabo nomen tuum fratribus meis.* Secundò, etiam carnaliter, quomodo omnes homines fratres dici possunt, quia omnes uno proto-parente procreati, pari inter nos aff. & tu conjungi convenit. Hinc illud dicitur *his qui oderunt vos, fratres nostri estis: tandem cognatione dicuntur fratres, qui sunt de una familiâ;* cùm ex uno stipite non nimis remoto multa generis turba diffunditur. Sic Loth quem filium fuisse Aram fratris Abraham constat ex Genes. cap. 11. v. 27. & 28. *Iacob genuit Abraham, Nachor, & Aran: Porro Aran genuit Loth,*) dicitur Genes. cap. 13. v. 8. frater Abraham: Laban frater Rebeccae Matris Jacob Genes. cap. 28. v. 2. frater appellatur Jacob Genes. cap. 29. v. 15. imò morem fuisse apud Palestinos, ut omnes cognati fratres dicentur notant Thomas Anglicus in Genes. cap. 24. vers. 37. & Canus de locis Theolog. lib. 11. cap. 5. apud nostrum Sylveyram in Evang. tom. 3. lib. 5. c. 25. exposit. 1. num. 2.

IX.

Itaque Jacobus & Joseph, Simon & Judas à Matthæo & Marco fratres dicuntur, non naturâ, quod fuerint eadem Matre Mariâ, vel eodem Patre Iosepho geniti, non etiam quod solum fuerint gente fratres, quia absurdum est, inquit D. Hieronymus, quod illi pauci ex Judæis vocati fuissent hoc modo fratres, cùm omnes Judæi hâc ratione fuerint tales; non etiam solum aff. & tu, cùm sic spiritualiter omnes Apostoli, carnaliter omnes homines fuerint ejus fratres, restat ergo ut fuerint cognatione.

X.

Nec mirum quod sacri Evangelista fratres dixerint illos, qui ejus cognati erant, seu consobrini, cùm eos ex vulgi more tunc locutos pateat, vel quia referunt ipsissima verba vulgi ut Matthæi cap. 13. vers. 55. vel quia cò tendunt ut referant interpellationem aliqui us è vulgo, qui Christo adhuc ad turbas loquenti in Synagogâ nunciavit, *Ecce mater tua & fratres tui foris stant querentes te alloqui,* Matth. c. 12.

Marcii cap. 3. & Luc. cap. 8.

Refellitur tertio, hâc efficacissimâ & evidentissimâ Cardinalis Baronii demonstratione: quia usitata est in divinis scripturis consuetudo, ut nomini proprio filii nomen etiam proprium Patris subjungatur: sic Jacobus dicitur Jacobus Zebedæi, sic Petrus Simon dicitur Simon Ioannis: ex quâ regulâ mille exéplis in Scripturâ roboratâ, inferendum omnino, quod qui dicuntur fratres Domini in Evâgeliô Matthæi, & Marci, & alibi, qui & per nomina sua propria recensentur, scilicet Jacobus, & Joseph, Simon, & Judas, qui & Thadæus, non alium habuerunt Patrem, quâm cum cuius esse dicuntur. Cùm ergo Jacobus qui Matthæi cap. 13. vers. 55. & Marci cap. 6. vers. 3. inter Fratres Domini recensetur, idem Matthæi cap. 10. & Marci cap. 3. & Luc. cap. 6. & Actôr. cap. 1. Jacobus Alphæi dicitur, eum utique alio Patre quâm Alphæo genitum non est credendum: Similiter Joseph ille qui dictis locis Matthæi & Marci inter Fratres Domini numeratur, idem Matthæi cap. 27. vers. 56. & Marci cap. 15. vers. 40. dicitur cum præfato Jacobo filius Mariæ illius, quæ fuit una ex illis mulieribus quæ sequabantur Dominum à longè: Ergo nec hic filius D. Josephi: alias cum illa vivet tempore Passionis, sequeretur D. Josephum eodem tempore duas habuisse uxores, nempe hanc Mariam Matrem Jacobi & Joseph, & Sanctissimam Dei Genitricem, quod vel cogitare impium: Tandem Judas, alias Thadæus, qui ex quatuor fratribus Christi apud Matthæum & Marcum recensitis unus est Luc. c. 6. vers. 16. & Actôr. cap. 1. vers. 13, vocatur Judas Jacobi, ergo nec hic ex præfata regulâ Josephi filius sed Jacobi.

Restat de quarto dicamus scilicet Simonem: Duos invenio hujus nominis, unum qui dictus est Simon Zelotes Christi Apostolus, alter qui aliter Simeon dictus est, Jacobo in Sede Hierolymitanâ subrogatus Episcopus: Quis verò illorum duorum veniat sub nomine Fratris Domini intelligendus apud Matthæum & Marcum, non constat ex Evangelio, nec etiam liquet per Evangelium quo uterque sit Patre genitus.

nitus. Quare Ecclesiastica Historia fidei est standum.

XIII. Si ergo Simonem Zelotem fuisse contenderis, Hegeſippus Apostolorum temporibus proximus, & Author fideliſſimus, dicit hunc fuisse filium Alphæ & Mariæ Cleophae; atque adeo Jacobi p̄nemorati fratrem germainum: Sin vero volueris fuisse Simeonem in Episcopatu Jerosolymitano Jacobo suffectum, patet ex Eusebio lib. 3. Histor. Eccles. cap. 26. quem sequitur Breviarium Romanum ad 18. Februarii, & Baronius ad annum Christi 68. fuisse filium Cleophae fratris S. Josephi. Vide à nobis dicta superius Part. I. Tract. 2. cap. 14. sect. 2. num. 38. 39. 40. 46. 47. & 48.

XIV. Refellitur quartò & iterum efficacissimè ex fine hujus matrimonii Divi Josephi cum Virginie: Cùm enim Divus Josephus fuerit principaliter à Deo Sponsus & Coniux Virginis delectus & datus, ut illius & ex eâ nascitura proliſ totam euram ſuſciperet, eam & Matrem aleret, in Aegyptum deportaret, eum eis ibi aliquot annis maneret, &c. quomodo apta fuifet illius ad hoc ministerium elec̄io, si proles illæ ejus fuiffent ex altero conjugio? An enim illarum tunc pupillorum, ac ſic maximè ejus ope indigentium (erant enim tunc illæ infimæ aetatis) curam Deus abdicari voluifet, & cum ab illis quibus tam necessarius erat aveſſi, ut ſibi proviſum eſſet? An ſollicitus fuit Christus, vel docuit unquam ſua commoda quærere cum alterius diſpendio & incommodo tanto? maximè cùm facilis illi eſſet alijs modis magis connaturalis ſibi providendi, icilicet eligendo ſibi Patrem & Tutorē Virginem & Cælibem, eiique illam virtutem inspirando & infundendo? Enimvero minimè conveniebat juxta ea quæ dicit Apoſtolum I. Corinth. cap. 7. D. Josephum filiorum ſollicitudine diſiſum eſſe, qui Domini Matrisque ejus inter pericula perſequentium & itinerum torus eſſe debebat: quin etiam indignum erat viro non virginī Virginem tantam, immaclatumque ejus filium tradi: omnino vero decebat virginitatis liliū eum cum Deipatā Conjuge ſuā exiſtere, ut qui inter lilia paſcitur, & de-

uterō virginē naſceretur, & in ſi- nibus virginēs portaretur & nutri- retur.

XV. Et quomodo homini non virginī Deus Virginem pubescentem ex quā carnem ſuſcepturus erat tradidiffet, qui factus homo, & ex hoc mundo migraturus ad Patrem, candem jam ſenectentem nonniſi Virginis comen- date voluit.

*Corrupto nunquid fuerat socianda puerilla
Quæ grandeva fuit ſoli commissa loām?*
Inquit Joannes Gerion Cancellarius Parisiensis in ſuā Josephinā.

Tandem cùm Christus ita amet vir- ginitatem, cum illius ipſe extiterit ſe- minator, cùm eam tot aliis contule- rit; quomodo eam non dediffet illici, quem elegerat in Patrem ſuum, in Sponſum Matris ſuæ, quæ eft Virgo Virginum, & cum quā tot annis uſque ad mortem convicturus erat?

Post hæc argumenta ad hunc tam XVII. magnificum errorem refellendum con- gefta, quamvis certum ſit nihil amplius defiderari poſſe; addo tamen & hoc minimè contemnendum, quod Christus Dominus filius utriusque, Virginis, inquam, & Divi Josephi, annexatus erat bigamia nonnullam in- famiam, ob quam Apoſtolum I. ad Timoth. cap. 3. Bigamos à Sacerdocio removendos pronuntiat, & removen- tur ab Ecclesiâ ex his cauſis: Primo, quod præstantia & dignitas hujus Sa- cramenti Ordinis id meretur, cap. una, diſt. 26. Secundo, quia bigamia eft ſig- num incontinentiæ, cap. proposaſſi, diſtinct. 82. quæ à ſtatu Clericali plane remota & aliena eſſe debet. Tertio, quia ad calitatem perſuadendam in- idonea, diſt. cap. una. Si ergo bigamia defectus legalis eft, & tantus, ut ea propter Apoſtolum & Ecclesiā judicave- rit bigamos eſſe ab Ordinibus Sacris at- cendos, & declaraverit irregulares. Quis non videri Chriſti Domini parentes dedecere? & ideo ab illis omnino amo- vendam? Non ergo Diva Virgo No- verca, non D. Josephus Pater Chriſti futurus & eum aliquando tam familia- riter amplexurus, geſtaturus, oſculatu- rius, bigamus: nec ſi fuillett talis unquam Diva Virginis, a quā vel ipla inconti- nentiæ umbra amovenda cojugendus.

Hinc

XVIII. Hinc Beatus Petrus Damianus epist. II. mox adhuc citatā ad Nicolaum Romanum Pontificem. Nunquid ignoras Dei filiam adē carnis elegisse munditiam, ut ne de pudicitia quidem conjugalī, sed de clausula potius incarnatus sit Virginali? Et ne hoc sufficere videatur ut tantummodo Virgo sit Mater, Ecclesia fides est, ut Virgo fuerit, & is qui simulatus est Pater.

XIX. Atque hinc ita ad mores formandos argumentatur idem Sanctus Cardinalis. Si ergo inquit, Redemptor noster tantopere dilexit floridū pudoris integratam, ut non modo de virgineo utero nasceretur, sed etiam à virgineo Nutrictio traharetur, & hoc cum adhuc puernalis vagiret in cunis: à quibus nunc obscuro tractari vult corpus suum, cum jam immensus regnat in cælis? Simundus attinigi manibus volebat in pœnitenzia positus, quantam corpori suo nunc vult adesse munditiam jam in Paterna Majestatis gloria sublimatus? Magnum magni Patris documentum, primò pro Sacerdotibus, qui divina illa Mysteria quotidie atrectant: Cui assuo quod ore verè auro D. Chrysostomus homil. 61. ad populum Antiochenum. Quo non oportet igitur esse puriorē tali frumentū sacrificio? quo solari radio non splendidiorem manū hanc carnem dividentem? os quod igne spirituali repletur, linguam que tremendo nimis sanguine rubet? Secundò, magnum quoque pro maritatis documentum, ut quando ad hæc Sacra menta accedere volunt, studeant non animi tantum puritate, sed etiam corporis munditiae nitore, abstinentes saltem eo die quo communicaturi sunt ab omni opere carnis. Si enim David & pueri ejus, ut panem sanctificatum in veteri lege, qui tantum hujus Sacramenti umbra erat, comedere possent, mundi esse debuerunt, maximè à mulieribus. Reg. cap. 21. An tu mi Christiane pollutus? an à foribus ad hanc munditiam accedes? Si ex Apostoli consilio 1. Corinth. cap. 7. Orationi vacaturus, ad tempus à commercio isto carnali abstinere debet, quanto magis quando ad Sacrosancta illa Mysteria accedere intendit? quo die quis dubitat quod ferventius & diutius orandum? Pascitur Christus inter lilia, in-

quit Sponsa Cantic. cap. 2, num. 16. Id est, inquit Rupertus in illum locum, inter Mariam & Ioseph; at nunc pascit lilia, quia suo corpore & sanguine eos nutrit qui puritatis candore lilia imitantur.

SECTIO II.

Non Innuptum tantum, sed etiam Virginem tunc fuisse D. Josephum probatur.

D^{icit} Ius Hieronymus epistolâ 22. ad Eustochium de Custodiâ Virginitatis. Statim, inquit, ut Filius Dei ingressus est super terram, novam sibi familiam instituit, ut qui ab Angelis adorabatur in cælis, haberet & Angelos in terris. Mariam primò & Joseph, qui verè fuerunt Angeli, non naturā, sed professione, non conditione sed virtute; scilicet propter virginitatem quam colebant. Nam ut D. Cyprianus tract. de Habit. Virgin. Virginibus ait, *Cum casta perseveratis ac virgines, Angelis Dei cœs aequales*. Imò quod pace tua, ô Angele! dixerim, etiam te superiores, ex hoc quod docente D. Petro Chrysologo serm. 143. Angelicam gloriam acquirere, majus est quam habere, esse Angelum felicitatis est, Virginem esse virtutis; Virginitas enim hoc obtinet labore, quod habet Angelus à naturā.

Hujus gloria virtutis nimia est, & XII. noster ad D. Josephum purissimam Virginis Sponsum charissimum, & immaculati Agni Patrem prædilectum affectus nimis pronus, ut illam ab ejus Coronâ detrahi patiamur: illam ergo ei adstruimus, primò ex cōmuni SS. Patrum à temporibus SS. Augustini & Hieronymi sententiâ tantâ concordia, ut Beatus Cardinalis Petrus Damianus sui temporis Scriptor nobilissimus, qui florebat seculo undecimo epist. II. cap. 4. scribens ad Nicolaum Romanum Pontificem, ex tunc magnâ fiduciâ affirmet fuisse Ecclesiæ fidem, quod non tantum Deipara, sed etiam ille qui à Iudæis Pater ejus putatus est, fuerit Virgo. Vide ipsius verba hic supra num. 18.

Cum ergo docente D. Augustino XXII. epist. 18. *Quod universa tenet Ecclesia disputare*

disputare an ita sit, impudentissima sit infamie. Hec Sanctorum Patrum & Ecclesiae concordia omnibus cordatis sufficere debet: sed quia monente Divo Petro Apostolo epist. 1. cap. 3. *Parati semper esse debemus ad satisfactionem omni poscenti, nos rationem de ea que in nobis est ipse.* Idem dic de fide. *Fides enim est sperandarum substantia rerum.* Hebreor. cap. 11. vers. 1. Hinc rationes hanc veritatem probantes placuit subjicere.

XXIII. Probatur ergo amplius haec veritas, ita ut preferatur recepta, primo ex Scriptura Isaiae cap. 62. vers. 5. ubi Propheta futura sub Christo propiciens, ait: *Habitabit juvenis cum virginē.* Hoc est, inquit utraque Glossa Interlinearis & Ordinaria, quas sequuntur Gerson scimus, de Nativit. B. Virg. consid. 3. & alii Recentiores, *Ioseph cum Mariā:* qui locus significat non tantum cohabitationem & convictum castum, illibatum & incorruptum juvenis cum virginē, quem fuisse Iosephi cum Mariā constat ex Sacra Scripturā, & fatentur omnes Patres, nemine negante nisi impuro Helvidio Hæretico & astieclis; sed significat præterea cohabitationem castam incorrupti cum incorruptā, quod hic intendimus: nam terminus ille *juvenis*, quando in Scripturā conjungitur cum *virginē*, non tantum accipitur pro sexu diverso ab illo quē significat virgo, & ut denotat illum qui est in ætate floridā, & aptā juvare, à quo juvenis, sed insuper significat eum qui talis est in sexu masculino, qualis est virgo, cum quā componitur, in sexu foemino: cùm ergo hic virgo accipiatur pro eā quā est incorrupta, omnino sequitur quod etiam juvenis, qui hic cum eā componitur, pro eo qui incorruptus est accipi debeat.

XXIV. Probatur tertio, ratione D. Hieronymi lib. adversus Helvidium calculo Doctoris Angelici D. Thomae 3. part. quæst. 28. art. 3. ad 5. approbatā, ubi ita Sanctus Pater. *Si in Virum Sanctum fornicatio non cadit, & aliam eum uxorem habuisse non scribitur,* (quod enim ex Scripturā adduci potuit in contrarium refutatum est à nobis Sectione præcedenti,) *Maria autem Cuius potius fuit quam Marius,* relinquitur cum virginem mansisse

cum Mariā qui Pater Domini meruit appellari.

Probatur quartò ex præstructis per nos fundamentis: Cùm enim, ut docuimus in præcedentibus, ab æterno à Deo electus sit, ut esset Pater Christi Filii sui, & idè Sponsus Virginis factus, ac propterea ex utero tantâ fuerit sanctitate donatus, ut & per illam fomes in eo repressus sit, & in gratiâ confirmatus; unde quæso poterit cogitari corruptio ad cum aditum invenire.

Probatur quintò argumento Gersonis scimus, de Nativit. B. Virginis habitu coram totâ Ecclesiâ in Concil. Constant. consider. 3. quod commune est inter Recentiores. Si Dominus Matri sua jam ætatis proœcta nullum Custodem nisi Virginem, Joannem scilicet Evangelistam, qui virgo electus à Domino, virgo in ævum permanuit, adhibere voluit; quanto magis existimare debemus eandem adhuc juvenculam non alteri quam virginī, & omnino incorrupto, custodiendam tradidisse?

Roboratur hoc argumentum hâc consideratione, quia Diva Virgo jam proœcta ætatis, tradita est Joanni à Christo expirante in Cruce, non ut virginitatis Custos, sed ut ei esset loco filii, eam consolaretur & juvaret, *Ecce mater tua, ecce filius tuus:* Divo autem Josepho in cruce efflorescente tradita est ut sponsa, ut scilicet ejus virginitas fecunda, sub ipsius umbrâ celaretur, & hominibus & diabolo: si ergo ille cui Virgo jam fœnecens tradenda fuit non in custodiâ virginitatis, sed in solarium senectus, tamen ob reverentiam tantæ Virginis, nonnisi Virgo probatus esse debuit, an Divus Josephus cui illa adolecens in sponsam tradita est, idest cum potestate & Dominio in corpus ejus, ut tamen virginitatem ejus servaret, potuit non esse purissimus? an amabo Divus Josephus qui in aliâ virginitatem illibatam custodiare electus est, in se ipso prius eandem servare non est edocitus?

Probatur sexto, quia recta ratio omnino dictare videtur, quod non decuit tantam Virginem à Deo tradi in sponsam & conjugem homini non virginis

A a

&

& corrupto, maximè cùm ex tali con-jugio purissimus & immaculatus agnus, quem nonnisi virgines sequuntur quo-cumque ierit, proditus esset. An non enim filium lectissimum sequetur amantissimus Pater quocumque ierit? vel quomodo sequetur quocumque ie-rit si non Virgo? Igitur secundùm hoc debuit fuisse castissimus D. Joseph.

XXXIX. Probatur septimò, quia Deus Sancto Prophetæ Eliæ Patri nostro, ceterisque filiis Prophetarum ejus successoribus, & antecessoribus nostris, etiam sub ve-teri Testamento inspiravit & contulit virginitatem intuitu hujus Sanctissimæ Virginis, quia scilicet illos elegerat ut essent ipsi, & ejus honori ac obsequio specialissimè consecrati, ac illam in moribus suis referrent, ut ex Scriptu-râ latè probant infiniti Authores domesti & externi. Quanto ergo ampliori jure Divo Josepho eam inspiravit & contulit puritatem, qui futuros erat aliquando ejus sponsus & unus cùm ipsâ?

XXX. Lipsius in monitis politicis cap. 17. refert de Carolo VIII. Galliarum Rege, quod cùm Oppidum quoddam Italæ (Toscanellam vocat Duplexius) expugnasset, in militum direptione & excursu, Virginem per honestâ formâ ad pedes suos prostratam habuit, quæ ejus tutelam à militum petulantia, pudicitiaeque custodiâ efflagitabat. Ille à militibus eam servavit immunem, sed ut juvenis erat, statim ut oculos in eam conjecit, tûm libidinem adjecit, ac demum in lectum abjecit jam immi-nuendam. Tunc illa toto animo an-xia, tabulam in pariete suspensam, in quâ Dcipara Virgo puerum mundi Sal-vatorem gestabat, intuita, ita ad eum: ô Rex! per intactam hanc Virginem, inquit, oro & adjuro te, mihi virginî parce. Monuit ita Regem (non sine Diva Virginis ope) ut libidinem jam exilientem coerceret. Mira res! Rex lachrymis profusis eam amplexatus, li-beram dimisit cum dote quingento-rum aureorum, & propinquis omnibus ac affinibus ejus captivis libertate do-natis. Quod si homo aliâs libidine-ustus, ob illam purissimam & immacu-latissimam Virginem, huic puellæ eam inclamanti, virginitatem servavit, an-

non Deus, cuius numine, hoc ille fe-cit. D. Josephum ob eandem purissi-mam Virginem, cum quâ unus ali-quando per immaculatum connubium futurus erat, omni corruptione im-munem præstit: fuit ergo ille Cœli favor, & Dei in Josephum amor, ut nō hominem in carne mortali diceres, sed Angelum in corpore humano.

Hanc porrò virtutem cœlestem, XXVII quam docente D. Ambrosio lib. 1. de Virginibus, paulò post init. Non faci-lè invenimus in terris, nisi postquam Deus in hac terreni corporis membra descendit, videtur D. Josephus quasi à naturâ hauiisse, cùm Deus eum gigni dispo-suerit parentibus à concupiscentiâ car-nis defœcatis, qui nimurum ad ejus pro-ductionem processerunt, non ut solet in aliarum prolium generatione, mo-vente eos ad id concupiscentiâ & lidie-ne, sed lege divinâ Deuteronomii c. 25. ut diximus in præcedentibus.

Gaudé igitur, verbis utor D. August. XXX in Append. ser. de diversis ser. 25. O San-ctissime Joseph! gaudie, inquam, nimiumq; con-gaude Virginitati Marie, qui solus meruisti virginalem affectum possidere conjugi, quia per meritum virginitatis, ita separatus es à concubitu uxoris, ut Pa-ter dicaris Salvatoris: ac deinde, Habe cum Mariâ conjugie tuâ communem vir-ginitatem membrorum, quia de virginis membris nascitur virtus Angelorum: sit Maria Mater Christi virginitate servata: sis autem & tu Pater Christi curâ casti-tatis & honoriscentiâ virginitatis: ut de virginis membris genitricis, sicutis Chri-stianis nulla sit zelotypia.

C A P U T IV.

An Divus Josephus semper Virgo permanerit?

CUM certum sit ex infra di-cendis Divam Virginem Dei-param Sancto Viro suo Jose-pho supervixisse: vivente ve-rò virgine aliam superduxisse uxorem nefas sit cogitare: viso, Sectione præ-cedenti, quod incorruptus Virginem duxit, restat, ut probetur fuisse sem-per cœlebs & Virgo, ostendere, quod cœli-